

通俗傷寒論

通俗傷寒論目錄

張序

王序

杜序

曹序

何後序

何前序

卷之一

第一編 傷寒總論

第一章 傷寒要訣

第一節 六經形層

第二節 六經氣化

第三節 六經關鍵

第五節 六經病證

第七節 六經舌苔

第九節 六經用藥法

第十一節 三焦用藥法

第十三節 六經總訣

第四節 六經部分

第六節 六經脉象

第八節 六經治法

第十節 六淫用藥法

第十二節 用藥配製法

卷之二

第二章 六經方藥

第一節 發汗劑

第三節 攻下劑

第五節 滋補劑

第二節 和解劑

第四節 溫熱劑

第六節 清涼劑

卷之三

第二編 病理診斷

第三章 表裏寒熱

第一節 表寒證

第二節 裏寒證

第三節 表裏皆寒證

第四節 表熱證

第五節 裏熱證

第六節 表裏皆熱證

第七節 表寒裏熱證

第八節 表熱裏寒證

第九節 裏真熱表假寒證

第十節 裏真寒表假熱證

第四章 氣血虛實

第一節 氣虛證

第二節 氣實證

第三節 血虛證

第四節 血實證

第五節 氣血皆虛證

第六節 氣血皆實證

第七節 氣虛血實證

第八節 氣實血虛證

通
谷
傷
寒
論
目錄
一六也堂書藥局印行

第九節 氣真虛血假實證

第十節 血真實氣假虛證

第五章 傷寒診法

第一節 觀兩目

第二節 看口齒

第三節 看舌苔

第四節 按胸腹

第五節 問口渴

第六節 詢二便

第七節 查舊方

第八節 察新久

第六章 傷寒脉舌

甲 切脉舉要

第一節 診法

第二節 部分

第三節 脉象

第四節 鈎立

卷之四

乙 辨舌舉要

第一節 觀舌形

第二節 察苔色

第三節 辨舌質

第四節 心法提要

丙 六經舌苔歌

第一節 太陽經舌苔歌

第二節 少陽經舌苔歌

第三節 陽明經舌苔歌

第四節 太陰經舌苔歌

第五節 少陰經舌苔歌

第六節 厥陰經舌苔歌

丁 吳坤安察舌辨證歌附劉吉人辨舌法

卷之五

第三編 證治各論

第七章 傷寒本經

第一節 小傷寒

第二節 大傷寒

第三節 兩感傷寒

第四節 伏氣傷寒

第五節 陰證傷寒

卷之六

第八章 傷寒兼證上

第一節 傷寒兼風

第二節 傷寒兼濕

第三節 傷寒兼痧

第四節 傷寒兼瘧 風寒瘧

暑濕瘧 痰瘧 食瘧 陰虛瘧 勞瘧 鬱瘧 胎瘧 疫瘧

第五節 傷寒兼疫

第六節 風溫傷寒

第七節 風濕傷寒

第八節 濕溫傷寒

第九節 春溫傷寒

第十節 熱證傷寒

第十一節 暑濕傷寒

第十二節 伏暑傷寒

卷之七

第八章 傷寒兼證下

第十三節 秋燥傷寒

第十五節 大頭傷寒

第十七節 赤膈傷寒

第十九節 發狂傷寒

第二一節 脫脚傷寒

第十四節 冬溫傷寒

第十六節 黃耳傷寒

第十八節 發斑傷寒

第二十節 漏底傷寒

卷之八

第九章 傷寒夾證上

第一節 夾食傷寒

第三節 夾飲傷寒

第五節 夾血傷寒

第二節 夾痰傷寒

第四節 夾氣傷寒

第六節 夾陰傷寒

卷之九

第九章 傷寒夾證中

第七節 夾哮傷寒

第九節 夾痛傷寒

第八節 夾痞傷寒

第十節 夾脹傷寒

卷之十

第九章 傷寒夾證下

第十一節 夾瀉傷寒

第十三節 夾疝傷寒

第十五節 夾蟲傷寒

第十七節 夾癆傷寒

第十九節 妊娠傷寒

第十二節 夾痢傷寒

第十四節 夾濁傷寒

第十六節 夾虛傷寒

第十八節 臨經傷寒

第二十節 產後傷寒

卷之十一

第十章 傷寒壞證

第一節 傷寒轉瘕

第二節 傷寒轉厥

第三節 傷寒轉閉

第四節 傷寒轉脫

卷之十二

第十一章 傷寒復證

第一節 傷寒勞復

第二節 傷寒食復

第三節 傷寒房復

第四節 傷寒感復

第五節 傷寒怒復

第四編 調理諸法

第十二章 瘥後調理法

第一節 藥物調理法

第二節 食物調理法

第三節 氣候調理法

第四節 情慾調理法

第五節 起居調理法

附何後跋

附歷代傷寒書目考一卷

通俗傷寒論目錄終

通俗傷寒論卷之五

浙紹陶里村俞根初堯堂遺著

山陰長樂鄉何秀山選按

孫廉臣校勘曾孫幼廉筱廉同校

鄞縣曹赤電炳章參訂

第三編 證治各論

第七章 傷寒本證

內經云。治病必求於本。言求其受病之本因也。有本因。斯有本證。如傷風惡風。傷寒惡寒。傷熱惡熱。傷食惡食之類。病輕者無傳變。重者多傳變。謂之變證。其證有五。條治於後。

第一節 小傷寒 一名冒寒。通稱四時感冒。如冒風感寒。

之類。皆屬此病。

(因) 四時偶感寒氣。或因貪涼冒風。

(證) 肌膚緊縮。皮毛粟起。頭痛怕風。鼻塞聲重。頻打噴嚏。清涕時流。身不發熱。故無傳變。舌如平人。苔或白薄而潤。

(脈) 右浮。左弦而緩。浮則爲風。弦而緩則爲受風中之涼。此卽偶爾冒寒之小疾。但襲皮毛。不入經絡之病。俗稱小傷寒是也。四時皆有。吾紹頗多。

(治) 內經云。善治者。治皮毛。又曰。因其輕而揚之。宜以辛散輕揚法。疏達皮毛。葱白香豉湯主之。

鮮葱白 五枚 (切碎) 淡豆豉 三錢 鮮生薑 一錢 (去皮)

右藥用水碗半。煎成一碗。去渣熱服。覆被而臥。俄頃卽微微汗出而解。忌酸冷油膩數日。自無傳變。

秀按此例。創自元丹溪翁。繼起者明王氏肯堂。今則惟俞君根初矣。宜古宜今。簡要不繁。後學當奉爲圭臬。案語以文言道俗。羅羅清疏。方則出自外臺祕要。最切時用。

廉勘四時猝然感冒者。爲小傷寒。葉氏云。當視其寒暄。或用辛溫。或用辛涼。要在適中。惟照此立案開方。最爲簡要。吾儕可作立方程式。臨床醫典。不必趨異求新。

第二節 大傷寒 一名正傷寒。張仲景先師。但名曰傷寒。

(因) 立冬後。嚴寒爲重。春夏秋暴寒爲輕。觸受之者。或露體用力而着寒。或脫穿衣服而着寒。或汗出當風而着寒。或睡臥傍風而着寒。故張長沙傷寒序例云。傷寒多從風寒得之。

(證) 頭痛身熱。惡寒怕風。項強腰痛。骨節煩疼。無汗而喘。胸痞惡心。舌多無胎而潤。卽有亦白滑而薄。甚或舌胎淡白。

(脈)左浮緊有力。右多浮滑。浮則爲風。緊則爲寒。有力而滑。則爲表寒實象。此太陽經表證標病也。

(治)法當辛溫發表。使週身汗出至足爲度。遵內經寒者溫之。體如燔炭。汗出而散之法。蘇羌達表湯主之。婦女宜理氣發汗。香蘇葱豉湯主之。小兒宜和中發汗。葱豉荷米煎主之。若發汗不徹。表寒雖散。而水鬱在裏。渴欲飲水。水入則吐。小便不利。甚或短數淋瀝。舌胎純白而厚。脈左弦滯。右浮弦而滑。此水蓄膀胱。太陽經傳裏證。本病也。法當化氣利水。苓朮二陳煎治之。張氏五苓散。(生晒朮一錢。浙茯苓四錢。豬苓二錢。澤瀉二錢。官桂五分。共研細末。每服三錢。廣皮一錢。生薑二片。泡湯調下。)亦可收效。雖然。傷寒一證。傳變頗多。不越乎火化。水化。水火合化。三端。從火化者。多少陽相火證。陽明燥實證。厥陰風熱證。從水化者。多陽明水結證。太陰

寒濕證。少陰虛寒證。從水火合化者。多太陰濕熱證。少陰厥陰寒熱錯雜證。試舉各經腑臟形證。以印證化生之病。大抵吾紹患傷寒者。火化證多於水化。水火合化者亦不鮮。

(甲) 邪傳少陽經證。寒熱往來。兩頭角痛。耳聾目眩。胸脅滿疼。舌胎白滑。或舌尖胎白。或單邊白。或兩邊白。脈右弦滑。左弦而浮大。此邪鬱腠理。逆於上焦。少陽經病。偏於半表證也。法當和解兼表。柴胡枳桔湯主之。

(乙) 邪傳少陽腑證。寒輕熱重。口苦膈悶。吐酸苦水。或嘔黃涎而黏。甚則乾嘔呃逆。胸脇脹疼。舌紅胎白。間現雜色。或尖白中紅。或邊白中紅。或尖紅中白。或尖白根灰。或根黃中帶黑。脈右弦滑。左弦數。此相火上逆。少陽腑病。偏於半裏證也。法當和解兼清。蒿芩清胆湯主之。如服一劑。或二劑後。嘔吐雖止。而寒熱未除。胸脇尚痛。

膈滿而悶。已成小結胸者。治以和解兼開降法。柴胡陷胸湯主之。服後胸痛膈悶雖除。而寒熱仍發。腹滿而痛。便秘溺赤。此少陽上焦之邪漸結於中焦陽明也。當以和解兼輕下法。大柴胡湯去薑半夏加川樸（一錢）風化硝（一錢）治之。

（丙）邪熱傳入胃經。身灼熱。汗自出。不惡寒。反惡熱。口大渴。心大煩。揭去衣被。癍點隱隱。溺短赤熱甚。則譫語發狂。舌尖紅。苔邊白。中黃脈右浮洪而數。左亦弦大。此外而肌腠內而肝胆。上則心肺。下則小腸膀胱。無不受其蒸灼。但尙爲散漫無形之燥熱。未曾結實。宜清透而不宜攻下之陽明外證也。辛涼泄熱爲君。佐以甘寒救液。新加白虎湯主之。服後癍發雖透。譫語狂妄雖除。而身熱不退。口燥渴。汗大出。脈見虛芤者。胃汁枯涸。肺津將亡也。急宜甘涼救液爲君。大生肺津。人參白虎湯。（西洋參三錢、生石膏四錢、知母